

VENDIM
Nr.34, date 7.1.1999
PER DREJTORINE E SHERBIMEVE QEVERTARE DHE TRAJTIMIN E
PERSONALITETEVE TE LARTA¹

*(Ndryshuar me vkm nr.678, datë 15.12.2000; nr.399, datë 22.8.2002; nr.411, datë 11.7.2007;
nr.5, datë 14.1.2012; nr.463, datë 27.5.2015; nr.620, datë 1.11.2017)*

(I përditësuar)

Ne mbeshtetje te nenit 100, te Kushtetutes se Republikes se Shqiperise, me propozimin e zevendeskrjeminitrit dhe minister i Koordinimit Qeveritar, Keshilli i Ministrave

VENDOSI:

1. Drejtoria e Shërbimeve Qeveritare është person juridik në varësi të Kryeministrit. Ajo e zhvillon veprimtarinë e saj në përputhje me ligjin për ndërmarrjet. Drejtoria e Shërbimeve Qeveritare financohet nga të ardhurat e siguruara nga veprimtaria e saj dhe nga buxheti i shtetit.

2. Detyrat kryesore te Drejtorise se Sherbimeve Qeveritare jane:

a) kryen sherbime qeveritare te pritjes se delegacioneve te huaja, te personaliteteve te larta, te miqve e dashamiresve te vendit tone etj., te cilet vijne te ftuar nga Presidenti i Republikes, Kryetari i Kuvendit, Kryeministri dhe Keshilli i Ministrave.

b) trajton me kushte banimi e ushqimi delegacionet e rangjeve te larta, qe vijne ne ministri e institucione qendrore.

c) trajton e ploteson nevojat jetesore te personaliteteve te larta shteterore te percaktuara ne kete vendim.

d) ploteson kushtet e nevojshme per organizimin dhe zhvillimin e veprimtarise shteterore, si te mbledhjeve, konferencave, seminareve, veprimtarive nderkombetare etj., qe kryhen ne mjediset e Drejtorise se Sherbimeve Qeveritare.

e) ne perputhje me aktet ligjore ne fuqi ajo kryen aktivitet tregtar siç eshte: dhenia me qira e vilave, objekteve qe ka ne administrim, si dhe kryen veprimtari ekonomike te turizmit e te sherbimeve hoteleri per persona fizike e juridike vendas e te huaj. Per nevoja te vecanta ne rrethet ku nuk disponon rezidenca apo vila, Drejtoria e Sherbimeve Qeveritare mund te marre objekte me qira nga subjekte shteterore apo private, vendas apo te huaj.

f) ne objektet e saj, ku ka organizuar restorante, trajton kundrejt pageses edhe anetaret e Keshillit te Ministrave, deputetet e Kuvendit dhe titullaret e institucioneve te tjera qendrore. Rregullat e caktimit te cmimeve miratohen nga Drejtoria e Sherbimeve Qeveritare.

g) kryen veprimtari shitblerjeje, veprimtari prodhimi me porosi, riparim sherbime, sherbime me taksi dhe veprimtari te tjera te kesaj natyre ne perputhje me dispozitat ligjore ne fuqi.

i) ofrimin e shërbimeve të përgjithshme, në Kryeministri. Shpenzimet për këtë shërbim përballohen nga buxheti i shtetit.

¹ VKM nr.34, datë 7.1.1999 është botuar në Fletoren Zyrtare ekstra.

VKM nr.678, datë 15.12.2000 është botuar në Fletoren Zyrtare nr.48, dhjetor 2000.

VKM nr.399, datë 22.8.2002 është botuar në Fletoren Zyrtare nr.51, gusht 2002.

VKM nr.411, datë 11.7.2007 është botuar në Fletoren Zyrtare nr.94, 26 korrik 2007.

VKM nr.5, datë 14.1.2012 është botuar në Fletoren Zyrtare nr.1, 7 janar 2011.

VKM nr.463, datë 27.5.2015 është botuar në Fletoren Zyrtare nr.94, e martë, 9 qershor 2015.

VKM nr.620, datë 1.11.2017 është botuar në Fletoren Zyrtare nr.193, e martë, nëntor 2017.

Drejtorisë së Shërbimeve Qeveritare mund t'i kërkohet, pjesërisht apo tërësisht, ofrimi/transferimi i këtyre shërbimeve të përgjithshme edhe nga institucionet më të larta të shtetit, si Presidenca apo Kuvendi i Shqipërisë. Shpenzimet për shërbimet e ofruara përballohen nga buxheti i shtetit.

j) Organizimin e eventeve, si dhe të aktiviteteve ceremoniale, publike dhe jopublike, sipas kërkesës, duke trajtuar me përparësi nevojat e Presidentit të Republikës, Kryetarit të Kuvendit dhe Kryeministrit. Shpenzimet për këto evente përballohen nga buxheti i vetë institucioneve.

3. Shpenzimet e percaktuara ne piken 2, shkronjat a e b te ketij vendimi, perballohen nga institucionet perkatese.

4. Rezidencat qeveritare, vila dhe objektet e tjera ne administrim te Drejtorise se Sherbimeve Qeveritare caktohen me vendim te Keshillit te Ministrave. Ndryshimi i emertimit nga rezidenca qeveritare ne vila e anasjelltas, si dhe kalimi i tyre ne administrim te bashkive e te keshillave te rretheve, behet me urdher te Kryeministrit.

5. Drejtoria e Sherbimeve Qeveritare, kur eshte e nevojshme mund te perdore per veprimtarine e mesiperme edhe nga objektet, qe jane te klasifikuara rezidenca qeveritare.

6. Per kryerjen e riparimeve, rikonstruksioneve, mobilimin dhe pajisjen e rezidencave, vilave dhe objekteve te tjera, vec fondeve te planifikuara nga buxheti i shtetit, Drejtoria e Sherbimeve Qeveritare mund te bashkepunoje edhe me persona juridike e fizike vendas e te huaj, ne perputhje me dispozitat ligjore. Ky bashkepunim mund te shtrihet edhe per zhvillimin dhe zgjerimin e veprimtarise se Drejtorise se Sherbimeve Qeveritare, si dhe per perdorimin me me efektivitet te pasurise qe administron.

7. Drejtoria e Sherbimeve Qeveritare kryen sherbime kundrejt pageses per pritjet zyrtare e jozyrtare, dreka e darka qe jepen ne objektet e saj sipas kerkeses se here. Shpenzimet e kryera perballohen nga institucionet perkatese.

8. Pritjet e te gjitha kategorive behen me autorizim me shkrim te titullarit te organit, qe e ka ne kompetence dhe vertetohen nga persona zyrtare te autorizuar prej tij, te cilet percaktojne e pergjigjen per kategorine e delegacionit dhe kuoten e trajtimit te tyre.

9. Tarifat minimale per vilat e objektet, qe jepen me qira nga Drejtoria e Sherbimeve Qeveritare, miratohen nga Keshilli i Ministrave, kurse vete Drejtoria, ne vartesi nga kerkesa e oferta, mund t'i rrite ato pa asnje kufizim.

10. Tarifat e fjetjes dhe rregullat per caktimin e cmimeve ne valute e ne leke te mallrave e te artikujve te veprimtarise tregtare te shitblerjes e te turizmit dhe marzhet sipas llojeve te prodhimit e te tregtimit, te sherbimeve qeveritare etj., miratohen nga Drejtoria e Sherbimeve Qeveritare.

11. Presidenti i Republikes, Kryeministri, Kryetari i Kuvendit dhe familjet e tyre, trajtohen sipas perkatesise nga Drejtoria e Sherbimeve Qeveritare, institucionet perkatese dhe Klinika Qeveritare per kushtet jetesore te banimit, pushimit, furnizimit me artikuj ushqimore e industriale, sherbimit mjekesor dhe personel sherbimi etj., si ne rastin kur banojne ne rezidenca qeveritare ashtu dhe kur ata banojne ne apartamentet e tyre. Trajtimi me ushqime te behet me kosta, duke iu llogaritur ne pagese vetem vleften e lendes se pare.

Këtë trajtim e përfitojnë Presidenti i Republikës dhe Kryeministri, për periudhën nga dita e emërimit deri në fillimin e detyrës.

12. Personalite teve te mesiperm, iu vihet ne perdorim per banim nga nje rezidence, ne administrimin e Drejtorise se Sherbimeve Qeveritare, i pajisur ne mobilje dhe inventar perkates, ne perputhje me mjediset e baneses.

Kur personalitetet e lartpermendur banojne ne apartamentet e tyre Drejtoria e Sherbimeve Qeveritare pajis me mobilje dhe inventarin perkates vetem dhomen e pritjes diie ate te punes, te cilet mbeten si inventar i kesaj Drejtorie.

13. Per Presidentin e Republikes, Kryetarin e Kuvendit dhe Kryeministrin, Drejtoria e Sherbimeve Qeveritare perballon keto shpenzime:

a) per mirembajtjen e rezidencave qeveritare dhe mjediseve te tjera rrethuese, per kompletimin me mobilje e orendi, pajisje e mirembajtjen e tyre, kur banojne ne rezidencat qeveritare, te parashikuara ne piken 13 te ketij vendimi.

b) per mbajtjen e personelit te nevojshem te sherbimit per secilin personalitet sipas lidhjes nr.1 bashkengjitur, si kur banojne ne rezidencat qeveritare ashtu dhe kur personalitetet banojne ne apartamentet e tyre.

c) per qira, uje, energji elektrike e ngrohje, ne rezidencat qeveritare.

d) *Shfuqizuar.*

14. Presidentit te Republikes, Kryetarit te Kuvendit, Kryeministrin dhe familjeve te tyre ne kohen e pushimit, iu vihet ne dispozicion nga nje apartament ne rezidencat qe administrojnë Drejtoria e Sherbimeve Qeveritare ne qendrat e pushimit.

Shpenzimet per qira, uje, energji elektrike, ngrohje, lidhje telefonike etj., perballohen nga Drejtoria e Sherbimeve Qeveritare, ndersa shpenzimet per ushqimin perballohen sipas kriterëve te percaktuara ne piken 12 te ketij vendimi.

15. Ish-Presidentit te Republikes per nje periudhe 4-vjeçare nga mbarimi mandatit, ish-Kryeministrin dhe ish-Kryetarit te Kuvendit per nje periudhe 2-vjeçare nga mbarimi i mandatit, zevendes kryeministrin dhe nenkryetarëve te Kuvendit, per kohen e pushimit iu vihet ne dispozicion sipas mundesive, apartament ne rezidencat dhe vilat qe administrojnë Drejtoria e Sherbimeve Qeveritare, kundrejt tarifave te caktuara nga kjo drejtori.

DSHQ-ja u vë në dispozicion mjedise pune ish-presidentëve, pa pagesë. Ajo mbulon shpenzimet për shërbime sekretarie, pastrimi dhe mirëmbajtjeje mjedisi, shpenzimet për energji elektrike, ujë, telefoni fikse (përfshirë dhe internet), në masën sipas tabelës nr. 1 bashkëlidhur këtij vendimi.

16. Shpenzimet që kryhen nga Presidenti i Republikës, Kryetari i Kuvendit, Kryeministri, zëvendëskryeministri dhe nënkryetarët e Kuvendit për evente dhe aktivitete ceremoniale, pritje, dreka e darka zyrtare, që jepen nga këto personalitete, si dhe shpenzimet për kafe, që bëhen nga Presidenti i Republikës, Kryetari i Kuvendit dhe Kryeministri, përballohen nga fondet e vetë institucioneve që përfaqësojnë autoritetet e lartpërmendura.

17. Për kryerjen në kohë e me cilësi të të gjithë veprimtarisë së përcaktuar në këtë vendim, Drejtoria e Shërbimeve Qeveritare lejohet të blejë mallra dhe të kryejë shërbime me cilësi të lartë në tregun e brendshëm e të jashtëm, me procedurën "Prokurim i drejtpërdrejtë", përjashto këtu investimet, ndërsa për nevoja të domosdoshme lejohet të kryejë pagesa me lekë në dorë, deri në 200 000 lekë në ditë.

17/1. Shkronja "c" e pikës 4, të vendimit nr. 335, datë 23.6.2000, të Këshillit të Ministrave "Për rregullat e prokurimit publik", shfuqizohet.

18. Per artikujt ushqimore dhe industriale, Drejtoria e Sherbimeve Qeveritare te furnizohet me perparesi, kundrejt pageses, nga Drejtoria e Pergjithshme e Rezervave te Shtetit, ne perputhje me vendimin e Keshillit te Ministrave nr.286, date 30.5.1994 "Per administrimin e sendeve, qe kalojne ne dobi te shtetit, nga kundervajtjet administrative".

19. Ngarkohet Drejtoria e Sherbimeve Qeveritare te hartoje rregulloren e brendshme, e cila miratohet nga keshilli i saj drejtues.

20. Vendimi i Keshillit te Ministrave nr.361, date 21.9.1991 "Per Drejtorine e Sherbimeve Qeveritare", pikat 1,2,3,4 dhe 5 te vendimit te Keshillit te Ministrave nr.404, date 24.10.1991, vendimi nr.485, date 29.7.1996, vendimi i Keshillit te Ministrave nr.16, date 8.10.1996, shfuqizohen.

Ky vendim hyn ne fuqi menjehere.

KRYEMINISTRI
Pandeli Majko

Lidhja nr.1

LISTA E PERSONELIT TE SHERBIMIT

I. Per Presidentin e Republikes

1. Kuzhinier Nr. i Punonjesve 1
2. Kamariere " " 1
3. Punetor pastrimi " " 1

"II. Per Kryeministrin

1. Kuzhinier Nr. i Punonjesve 1
2. Punetor pastrimi " " 1

III. Kryetarin e Kuvendit

1. Kuzhinier Nr. i Punonjesve 1
2. Punetor pastrimi " " 1

Shenim: Personeli tjetër teknik sigurohet sipas nevojave nga Drejtoria e Sherbimeve Qeveritare

Lista nr.1

REZIDENCAT QEVERTARE, VILAT DHE OBJEKTET E TJERA NE ADMINISTRIM TE SE SHERBIMEVE QEVERTARE

I. Per rrethin e Tiranes

1. Pallati i Brigadave me te gjitha anekset e territorin perreth.
2. Shtepia e Pritjes nr.4 me gjithe territorin perreth
3. Objekti nr.5 me gjithe territorin perreth.
4. Pallati i Kongreseve me gjithe territorin perreth.
5. Vila nr.30 me gjithe territorin perreth.
6. Vila nr.31 me te gjitha anekset e territorin perreth.
7. Bar Restorant "Tirana" dhe serat.
8. Objekti nr.32/1 me gjithe territorin perreth.
9. Objekti nr.42.
10. Grupi i vilave gjermane dhe territori perreth.
11. Magazinat industriale dhe territori perreth.
12. Parku i mjeteve te drejtorise.
13. berberi dhe kioska industriale.
14. Shtepia e Pritjes nr.1 ne Dajt dhe territori perreth.
15. Shtepia e Pritjes nr.2 ne Dajt dhe territori perreth.

II. Per rrethin e Durresit

1. Shfuqizuar.

2. Vila nr.5 ne Plazh Durres dhe territori perreth.
3. Vila nr.6 ne Plazh Durres dhe territori perreth.
4. Vila nr.11 ne Plazh Durres e territori perreth.

5. Vila nr.13 ne Plazh Durres e territori perreth.
6. Vila nr.18/1 ne Plazh Durres dhe territori perreth.
7. Vila nr .20 ne Plazh Durres dhe territori perreth.
8. Vila nr.23 ne Plazh Durres dhe territori perreth.
9. Vila nr.29 ne Plazh Durres dhe territori perreth.
10. Vila nr.30 ne Plazh Durres dhe territori perreth.
11. Restoranti (Stabilimenti i ri).
12. Kaldaja.
13. Godina e zyrove.
14. Godina e repartit ushtarak.
15. Sera, mjediset e sherbimit prane viles nr.5 e 23 e territori i gjelberuar perreth bllokut te vilave.

III. Per rrethin e Pogradecit e Korçes

1. Vila nr.1, nr.2, nr.3, nr.4, nr.5, si dhe territori perreth, brenda rrethimit.
2. Klubi Pogradec.
3. Godina e Gardes.
4. Vila nr.1. ne Korce e territori perreth.

IV. Per rrethin e Vlores

1. Vila nr.1 e territori perreth, perfshire anekset per plazh.
2. Vila nr.2 e territori perreth.
3. Vila nr.6 e nr.9 e territori perreth.
4. Vila ne Dhermi e territori perreth.

V. Per rrethin e Shkodres

1. Shtepia e Pritjes nr.1 e territori perreth.
2. Shtepia e Pritjes ne Velipoje e territori perreth.

VI. Per rrethin e Elbasanit

1. Shtepia e Pritjes e territori perreth.

VII. Per rrethin e Lushnjes

1. Shtepia e Pritjes ne divjake e territori perreth.

VIII. Per rrethin e Gjirokastrës

1. Shtepia e Pritjes e territori perreth.

IX. Per rrethin e Sarandes

1. Shtepia e Pritjes e territori perreth.